

Uunga siunnersuut: Inuussutissat pillugit Inatsisartut inatsisissaat nr. xx xx 2015-imeersoq**Kapitali 1***Inatsisip atuuffii***§ 1.** Inatsimmit pineqarput:

- 1) Inuussutissatigut isumannaatsuutitsinissaq.
- 2) Inuussutissat katitigaanerat.
- 3) Inuussutissanik nittarsaassisarneq nalunaaqutsersuisarnerlu.
- 4) Suliffeqarfiit inuussutissalerisut.
- 5) Nakkutilliisarneq, akuersissuteqartarnerit nakkutilliinerlu.

Imm. 2. Inatsimmit pineqarput inuussutissanik passussinermi immikkoortut tamarmik, tassunga ilanngullugit tunisassiorneq, suliarinninneq, uninngatillugit toqqortarinninneq, poor-tuineq, assartuineq, naggataatigullu atuisussamut ussassaarineq pilersuinerlu.

Imm. 3. Inatsit inoqutigiinni inuussutissanik suliarinninnermi atuutinngilaq, kisianni tak. § 6, imm. 3.

Imm. 4. Inuussutissanik avammut annissuineq inatsimmut ilaanngilaq, tassunga ilanngullugu aalisakkanik niueqatiginninneq.

Kapitali 2*Nassuiaatit***§ 2.** Inatsimmi matumani makku imatut paasineqassapput:

- 1) Ussassaarisarneq: Inuussutissanik tuniniaanissaq siunertaralugu pigisaqarneq, tassunga ilanngullugit tuniniaanissamut allatulluunniit nuussinissamut akilersillugit akilersinnaagilluunniit ussassaarineq. Nassuiaammut tuniniaaneq nammineq siammarterisarnerlu aammalu allatut iliorluni nuussisarneq ilaapput.
- 2) Akuutissiat: Akuutissat imminni inuussutissaanngikkaluartut nalinginnaasumilluunniit inuussutissat ilaannut akugineqartartut nerisassat inuussutissartaannut akussatut suliaasut, inuussutissat piusinnaanerannut, qalipaataannut, tipaannut, mamaannut allatigulluunniit teknikikut atortutigut siunertanulluunniit allanut atugassiaasut.
- 3) Teknikikut akuutissanik iluaqusersuutit: Akuutissat suulluunniit inuussutissaanngitsut, kisiannili atortussiatut inuussutissanik iluaqutiginiarlugit tunisassiornermi tulluarsarlugit atorneqartartut, inuussutissatut nioqqutissiamut naammassineqartumut akuliunneqartanngillat teknologiikut sunniuteqarnissaa anguniarlugu.
- 4) Mamarsaatit: Akuutissat tassaasinnaapput pioreersut imaluunniit assingusuliat inuussutissamut tunisassiarineqartumut mamarsaatitut tipigissaatitulluunniit atorneqartartut.

5) Atortut inuussutissanut atorneqartartut: Atortussiat atortullu tamarmik inuussutissanik atasuteqartussatut aalajangerneqarsimasut imaluunniit inuussutissamut nalinginnaasumik siumul-luunniit naatsorsuutigineqarsinnaasumik ilaatillugit atorneqarsinnaasut.

Kapitali 3

Oqartussaasut

§ 3. Kalaallit Nunaanni Uumasunut Nakorsa qarfik Inuussutissalerinermullu Oqartussaasut piginnaatitaasutut inatsimmik aqutsisuupput, nunatsinnilu inuussutissanik nioqqutissiornermut kiisalu tuniniaanermut allatigullu tunisaqarnissamut tunngaviusumik nakkutilliisuullutik.

Kapitali 4

Inuussutissatigut isumannaatsuutitsinissaq

§ 4. Inuussutissat suliarineqarnerminni ussassaarutigineqarnerminnilu pitsaasuussapput aamma niuerfimmittinneqarnerminni naammaginartumik ajortunngujaassuseqassallutik.

Imm. 2. Inuussutissat nalinginnaasumik atorneqarnermikkut nappaatinik tunillaassinnaasutut imaluunniit napparsimalersitsisinnaasutut, toqunartoqalersitsisinnaasutut naatsorsuutigineqarpata, imaluunniit inuussutissat peqqiillortitsinerat, asiusimani, mingutsinneqarsimani, kukkusumik nerisassiarineqarsimani allatigulluunniit inuit nerisassaattut naleqqutinngitsutut isigineqarsinnaappata ussassaarutigineqassanngillat.

§ 5. Eqqiluisaarnikkut illersorneqarsinnaasumik inuussutissanik suliarinnittoqarlunilu tuniniaasoqassaaq ingerlanneqassallunilu inuussutissat mingutsinneqaratik allatigulluunniit ajoqusiisinnasumik sunnerneqaratik inuussutissat inuit nerisassaattut naleqqukkunnaarlutik.

Imm. 2. Inuussutissanut tunillaassinnaasumik inuussutissanik inuit nerisassaattut naleqqukkunnaarsitsisinnaasumik inuit napparsimasut imaluunniit napparsimasutut naatsorsuutigineqartut, inuussutissanik suliarinninnermik, ussasaarinnermik nakkutilliinnermillu suliaqaqqu-saanngillat.

§ 6. Inuussutissat mingutsinneqarsimasut piumasaqaatit suut tunngavigalugit tuniniarneqarsinnaaneri pillugit Naalakkersuisut malittarisassanik aalajangersaasinnaapput.

Imm. 2. Nunap ilaani aalajangersimasumi inuussutissat mingutsinneqarsinnaanerannut nalorninartoqarpat, tassunga ilanngullugu radiup qinngorneranik imaluunniit avatangiisimi mingutsinneqarsimappata, allatigulluunniit inuit nerisassaattut nerukkaatissatulluunniit atorneqarnissaat naleqqukkunnaarpata, nioqqutissiat taamatut ittut tuniniarneqarneri Naalakkersuisunit inerteqqutigineqarsinnaapput, killeqartinneqarlutik imaluunniit piumasaqaatinik aalajangersaavigineqarlutik.

Imm. 3. Imm. 2-mi taaneqartut nunap ilaani aalajangersimasuni inerititanik naatitsinermut, uumasuuteqarnermut, piniarnermut, aalisarnermut imaluunniit paarmanik, pupinnik il.il. katersinermut Naalakkersuisut inerteqquteqarsinnaapput, killilerneqarlutik imaluunniit piunasaqaatinik aalajangersaallutik, apeqqutaatinnagu naatitsineq, uumasuuteqarneq, piniarneq, aalisarneq imaluunniit katersineq ussasaarutiginnissaat siunertaralugit.

§ 7. Inuussutissanik suliarinninnermi ussasaarinnermilu eqqiluisaarneq pillugu malittarisassanik, tassunga ilanngullugu inuit eqqiluisaarnissaat aamma inuit inuussutissanik suliarinnittut, tuniniaasut nakkutilliisullu peqqissutsikkut misissorneqarnissaat pillugit malittarisassanik Naalakkersuisut aalajangersaasinnaapput.

§ 8. Inuussutissanik suliarinninnermi atortussat aamma atortut imaluunniit suliarinneriaatsit aalajangersimasut atorneqarnissaat pillugit malittarisassanik, tassunga ilanngullugit sananeqaatsitigut atortorissaarutit, qinngornerit atorlugit asiunaveersaatsinik allanillu asiunaveersaatsinik imaluunniit suliarinneriaatsinik atuinerit pillugit Naalakkersuisut aalajangersaasinnaapput.

Imm. 2. Inuussutissat imaluunniit akorineqartut, manna tikillugu inuussutissatut isigineqarsimannngitsut, imaluunniit siusinnerusukkut siunertamut atorneqarsimannngitsut atortorissaarutit atornerisigut pilersinneqartut, atorneqarnissaat imaluunniit tuniniarneqarnissaat sioqqullugu akuerineqartarnissaannut malittarisassanik Naalakkersuisut aalajangersaasinnaapput.

Kapitali 5

Inuussutissat katitigaaneri

§ 9. Peqqinnissaq, inuussutissat pitsaassutsilluunniit eqqarsaatigalugit imaluunniit atuisut inuussutissanik pingaarutilinnik qulakkeerneqarnissaat siunertaralugu inuussutissat katitigaaneri qanorlu issusii pillugit, tassunga ilanngullugit inuussutissanut immikkut siunertalimmik atugassianut inuussutissanullu tapertassanut malittarisassanik Naalakkersuisut aalajangersaasinnaapput.

§ 10. Akuutissatut Naalakkersuisunit akuerineqarsimasut, kisimik akuutissatut atorneqarsinnaapput.

Imm. 2. Piunasaqaatit suut tunngavigalugit atorneqarsinnaaneri, tassunga ilanngullugu siunertanut sunut, qanoq annertutigisut tunisassianullu sunut, aamma akuutissat suuneri akui-tsuunerilu pillugit malittarisassanik Naalakkersuisut aalajangersaasinnaapput.

Imm. 3. Akuutissat akuerisaasut allattorsimaffiannik taakkulu atorneqarnissaat pillugit Naalakkersuisut allattorsimaffimmik suliaqassapput, tak. imm. 2, kikkunnit tamanit pissarsiarineqarsinnaannngortinneqartunik.

§ 11. Inuussutissat akuutissanik mamarsaasianillu akullit Kalaallit Nunaannut eqqunneqarnissaat, nittarsaanneqarnissaat, tuniniarneqarnissaat atorneqarnissaallu sioqqullugit Naalakkersuisunit akuerineqassapput.

Kapitali 6

Inuussutissanik nittarsaassisarneq nalunaaqutsersuisarnerlu

§ 12. Paasissutissanik atuisunut, suliffeqarfinnut imaluunniit nakkutilliinermi oqartussanut pingaaruteqartunik inuussutissat nalunaaqutsersornissaat pillugu malittarisassanik Naalakkersuisut aalajangersaasinnaapput.

Imm. 2. Tassunga ilanngullugu inuussutissanik nalunaaqutsersuisarneq nittarsaassisarnerlu pillugit Naalakkersuisut malittarisassanik aalajangersaasinnaapput, tassunga ilanngullugit:

- 1) Inuussutissat immikkut peqqissinartuuppata imaluunniit pitsaaliuinnermut sunniuteqarnerisa allanneqarnissaat.
- 2) Inuussutissap pissutsit ilaanni atuuffeqannginnera pillugu pitsaassusaanik saqqummiussineq.
- 3) Inuussutissap napparsimaneq, ukiut pissutsilluunniit allat pissutigalugit inunnut immikkut nerisaqarnissamik pisariaqartitsisunut naleqquttuunerinik allassimasunik pitsaassusaanik saqqummiussineq.

Imm. 3. Suliffeqarfiit inuussutissalerisut tunisassiamik nittarsaassinermi tunisassiami imaluunniit suliffeqarfimmi piginnaasanik eqqartuinnginnissaat pillugu malittarisassanik Naalakkersuisut aalajangersaasinnaapput.

§ 13. Inuussutissanik allagartalersuinermi inuussutissanulluunniit immikkut nalunaaqutsersuinermi imaluunniit inuussutissanut aalajangersimasunut atorneqarsinnaasut pillugit malittarisassanik Naalakkersuisut aalajangersaasinnaapput, imatut oqaasertaqartunik:

- 1) nioqqutissat nalinginnaasumik immikkulluunniit nakkutigineqarsimasut,
- 2) nioqqutissat immikkut pitsaassuseqartut, katitigaasut imaluunniit nunami pileqqaarfeqartut, imaluunniit
- 3) nioqqutissat immikkut suliarineqarsimasut.

Imm. 2. Imm. 1 naapertorlugu aalajangersarneqarsimasunik nioqqutissat taaguutaannik immikkulluunniit allagartalersuinernik atuneq nioqqutissani allani inertequtaavoq.

Aammattaaq imm. 1 naapertorlugu aalajangersarneqarsimasunik, tunisassiorneq, suliarinnineq, katitigaaneri, tunisassiap nunami pileqqaarfeqarnera eqqarsaatigalugit arlaatigut paatsuungalersitsisinnaasunik, nioqqutissanik taaguutinut imaluunniit immikkut nalunaaqutsersuiner-
nut paarlaanneqarsinnaasunik nalunaaqutsiussanik atuinissaq inertequtaavoq.

§ 14. Akuutissanik aamma mamarsaasianik nalunaaqutsersuineq pillugu maleruagassanik, tassunga ilanngullugit atornissaanut ilitersuutit mianersoqqussummillu nalunaaqutsersuineq pillugit malittarisassanik Naalakkersuisut aalajangersaasinnaapput.

Kapitali 7

Atortussiat atortullu inuussutissanut atugassiat (inuussutissanut atugassatut naatsorsuussat)

§ 15. Makku pillugit malittarisassanik Naalakkersuisut aalajangersaasinnaapput:

- 1) atortussianik inuussutissanut atassuteqartussanik akuersisarneq,
- 2) akuutissanik, inuussutissanut atortussianut atassuteqartussanik akuersissuteqartarneq,
- 3) tunisassioriaatsinik, inuussutissanut atortussianut atassuteqartussanik tunisassiornermi atorneqartussanik akuersissuteqartarneq,
- 4) atortussianik inuussutissanut atassuteqartussanik katiterisarneq nalunaaqutsersuisarnerlu,
- 5) atortussianit inuussutissanut atassuteqartussaniit tuniluunnerit,
- 6) inuussutissanut aalajangersimasunut pissutsinulluunniit aalajangersimasunut atorneqartussat atortussiassat atortullu piusinnaanerinet kimittussusissaanullu piumasqaatit, aamma
- 7) atortussiat inuussutissanut atassuteqartussat peqqinnissamut- imaluunniit pitsaassutsimut uppernarsaatitaqartinneqartassat.

Imm. 2. Aammattaaq Naalakkersuisut makku pillugit malittarisassanik aalajangersaasinnaapput:

- 1) suliffeqarfimmi aqutsisut, nioqqutissiorlut imaluunniit atortussianik atortunilluunniit nioqqutissanut aalajangersimasumik atugassanik eqquussisartut atortussat atortulluunniit tamakku qanoq iliorluni niuerfimmiit peerneqartarnissaat siunertaralugu aalajangiisarnissaat. Utertitsineq pissaaq, pineqartut isumaqarpata pissutissaqarpataluunniit isumaqassallutik atortussiassat atortullu suliffeqarfiup tunisassiarisimasaanik, eqquussimasaanik nassiussorsimasaaanik inuussutissanut atorneqartussaasut, inuussutissat isumannaatsuunissaannut piumasqaatinut eqquutitsinngitsut, aamma
- 2) atortussiassat atortullu inuussutissanut atorneqartussaasut inuussutissat isumannaatsuunissaannut ulorianarpata imaluunniit ulorianartutut isumaqarfigineqarpata nittarsanneqassanngitsut.

Kapitali 8

Tunillannartuiaatit il.il.

§ 16. Naalakkersuisut akuersisarneq, katiterineq nalunaaqutsersuinerlu kiisalu eqqiaatinik, tunillannartuiaatinik tarngutissanillu atuneq pillugu malittarisassanik aalajangersaasinnaapput.

Imm. 2. Aammattaaq Naalakkersuisut makku pillugit malittarisassanik aalajangersaasinnaapput:

- 1) suliffeqarfimmi aqutsisut, eqqiaatinik, tunillannartuiaatinik- imaluunniit tarngutissanik tunisassiorlut eqqussuisartulluunniit upalungaarsimanissaminut malittarisassaqaassapput, eqqiaatit, tunillannartuiaatit- imaluunniit tarngutissat nioqqutigineqartut utertinneqarnissaat siunertaralugu. Utertitsisoqarsinnaavoq, taakkunanga niuertut eqqiaatit, tunillannartuiaatit- imaluunniit tarngutissat inuussutissanik isumannaatsuutitsinissamut piumasaqaatinik malinningsut pasitsaanneqarpat imaluunniit tunngavissaqarpalluunniit, aamma
- 2) eqqiaatit, tunillannartuiaatit punnerusaat tuniniarneqassanngillat nerisassanut ulorianarpata imaluunniit isumaqartoqarpat ulorianartuusut.

Kapitali 9

Suliffeqarfiit

§ 17. Suliffeqarfiit inuussutissarsiorlutut inuussutissanik suliarinninnissamik, uninngatillugit toqqortarinninnissamik, assartuinissamik, nittarsaassinissamik, nioqquteqarnissamik eqqus-suinissamillu kissaateqartut kiisalu atortussiassat atortullu inuussutissanik atassuteqartussanik ingerlatserusuttut akuerineqaqqaaratik aallartinneqassanngillat.

Imm. 2. Naalakkersuisut suliffeqarfiit inuussutissalerisut akuerineqarnissaat pillugu malittarisassanik aalajangersaassapput, tamatumunnga ilanngullugit suliffeqarfiup inuussutissalerisup akuersissummik nalunaarfigineqarnissaa pillugu piumasaqaatinik, aamma akuersissummumut atugassarititaasunik ilanngussinissamut periarfissaq pillugu.

Imm. 3. Akuersissut qaqugu pissarsiareqqinneqassanersoq, aamma piginnittunik nikittoqarneranik nalunaartoqarnissaa pillugu malittarisassanik Naalakkersuisut aalajangersaasinnaapput.

Imm. 4. Suliffeqarfiup allamut tunniunneqarnerani piginnittoq nutaaq Uumasunut Nakorsaqarfik Inuussutissalerinermullu Oqartussaasunut pissutsit allanngorneri pillugit nalunaaruteqarnissaminut pisussaaffeqarpoq. Taamatut nalunaaruteqarneq annikinnerpaamik paasissutissanik makkuninnga imaqaassaaq:

- 1) Piginnittup nutaap aqqa attaveqarnissamullu paasissutissat, kiisalu immaqa ulluinnarni ingerlatsinermi akisussaasoq nutaaq.
- 2) Suliffeqarfiup GER normua.
- 3) Illup- imaluunniit aaqjissuussaanikkut allannguinerit.
- 4) Tunisassiornermik atortulersuutinilluunniit allannguinerit.

Imm. 5. Suliffeqarfiit inuussutissalerisut aalajangersimasut imaluunniit suliffeqarfiit inuussutissalerisut assigiimmik ingerlatsisut akuersinissamut piumasaqaatinut ilaatinnginnissaat pillugu malittarisassanik Naalakkersuisut aalajangersaasinnaapput.

Imm. 6. Suliffeqarfik piumasaqaatinik naammassinninngippat, imaluunniit akuersisimanerum tunngaviusut annertuumik allanngorsimappata akuersisimanerup arsaarinnissutigisinnanera pillugu malittarisassanik Naalakkersuisut aalajangersaasinnaapput. Aalajangiussami alla-

mik allassimasoqanngippat arsaarinninneq piffissami suliffeqarfimmut nalunaaruteqarnermiit atuutilissaaq.

§ 18. Inuussutissat eqqiluisaarnikkut, peqqinnissakkut imaluunniit pitsaassutsikkut pitsaasuunissaasa qulakkeerneqarnissaat siunertaralugu inuussutissanik pingaarnertut tunisassiorneq pillugu malittarisassanik Naalakkersuisut aalajangersaasinnaapput.

§ 19. Suliffeqarfiit inuussutissalerisut, assartuutit assigisaalu inuussutissat pillugit inatsimmut ilaasut eqqiluisaartinnissaat kiisalu aaqqissuunneqarneri ingerlanneqarnerilu pillugit malittarisassanik Naalakkersuisut aalajangersaasinnaapput. Matumani ilanngullugit atortunik asartuutunik, ininik, pequtinik, atortunik, maskiinanik, poortuutunik assigisaanillu kiisalu siku, imeq, aalaq, silaannaq silaannaallu inuussutissanik passussinermi atorneqartartunik imaluunniit ininik, atortunik il.il. eqqiaanermi atortut akuerineqartarnissaat pillugit malittarisassalior-toqarsinnaavoq imaluunniit aalajangersagaliortoqarluni.

Imm. 2. Suliffeqarfiit inatsimmut ilaasut suliffeqarfinnit akuerineqarsimasuniit atortussianik taamaallaat atuinissaat pillugu Naalakkersuisut malittarisassanik aalajangersaasinnaapput.

§ 20. Suliffeqarfiit inatsimmut ilaasut namminneq akilikkaminnik nioqputissiasanik, tunisassiornermik, naammasseriikkanik nioqputissiornermik kiisalu sulisunik eqqiluisaartitsinermi nakkutilliisarnissaat pillugu Naalakkersuisut malittarisassanik aalajangersaasinnaapput. Tassunga ilanngullugu nammineq nakkutilliinerup piareersarnissaa, ingerlanneqarnissaa up-
pernarsarnissaa pillugit malittarisassanik aalajangersaasoqarsinnaavoq.

Imm. 2. Suliffeqarfiup inuussutissalerisup nammineq nakkutilliinerani nunat tamalaat akornanni nakkutilliisarnermi periuseq akuerisaasoq HACCP malillugu periuseq (Hazard Analysis and Critical Control Points) aallaavigineqassaaq.

Imm. 3. Suliffeqarfiit inatsimmut ilaasut nammineq akilikkaminnik erseqqinnerusumik aalajangersarneqarsimasunik paasiniaanermik misissuinernillu ingerlatsisarnissaat pillugu Naalakkersuisut malittarisassanik aalajangersaasinnaapput. Paasiniaanerit laboratoriani akuerineqarsimasuni ingerlanneqartassapput. Misissueqqissaarnerni inerniliussat Uumasunut Nakorsaqqarfik Inuussutissalerinermullu Oqartussat piumasaqarnerisigut saqqummiunneqartassapput. Suliffeqarfiit inatsimmut ilaasut nammineq akilikkaminnik misissueqqissaarnerup inernerinik Uumasunut Nakorsaqqarfik Inuussutissalerinermullu Oqartussanut nassiussinissaat pillugu malittarisassanik Naalakkersuisut aalajangersaasinnaapput.

§ 21. Suliffeqarfinni inuussutissalerisuni inatsimmut ilaasuni sulisunut suliaqartunut inuussutissalerinermi eqqiluisaarnissamat pinngitsoorani ilinniartitaanissaq pillugu malittarisassanik Naalakkersuisut aalajangersaasinnaapput.

Kapitali 10

Siunertanut aalajangersimasunut akitsuutissat akiliutissallu

§ 22. Pingaarnertut tunisassioortut suliffeqarfiillu inatsimmut ilaasut, tassunga ilanngullugit suliffeqarfiit inuussutissanut atassuteqartussanik atortussiassanik atortunillu sanaartortut, inatsit malillugu ingerlanneqartunut aamma inatsit malillugu malittarisassaqaartinneqartunut nakkutilliinerni misissuinernilu aningaasartuutunik akiliuteqarnissaat pillugu malittarisassanik Naalakkersuisut aalajangersaasinnaapput.

Imm. 2. Suliffeqarfiit inuussutissalerisut assigisaallu namminerisarsiunngitsumik inuit akornanni suliaqarnermut atatillugu inuussutissarsiornikkut iluanaaruteqarnissaq siunertarinagu aamma suliffeqarfinnut allanut naleqqiullugu unammilleqatigiinnikkut pingaaruteqaanngitsut inuussutissanik suliarinnittut imaluunniit nioqquteqartut imm. 1-imi ilaasunut akitsuutinut akiliutinullu ilaatinneqaanngillat.

Imm. 3. Inatsit imaluunniit inatsit naapertorlugu malittarisassat malillugit nakkutilliinernut takusaanernullu aningaasartuutigineqartunut tamanut matussutissatut akitsuutinik akileeqqusi-sarnissamut akiliisarnissamullu Naalakkersuisut malittarisassaliorsinnaapput, tassunga ilanngullugu nakkutilliisup nakkutilliartorneranut atatillugu nakkutilliinernut oqimaakulussinnaasunut immikkullu ittumik nakkutilliinernut, nakkutilliinernut misissuinernullu aamma immikkut nakkutilliinernut angallassinermullu akiliutinut, inissinneqarnermut nerisaqarnermullu aningaasartuutinut.

Imm. 4. Immikkut sullissinernut niuertitsinernullu akiliineq pillugu malittarisassanik Naalakkersuisut aalajangersaasinnaapput, tassunga ilanngullugit piginnaatitsinerit, akuersinerit, nalunaarsuinerit, nalunaarutiginninnerit, misissuinerit, atsiornertit assigisaallu inatsit malillugu imaluunniit inatsit naapertorlugu malittarisassat malillugit isumagineqartut.

Imm. 5. Tamakkiisumik ilaannakortumilluunniit akitsuusisoqaannginnissaa pillugu malittarisassanik Naalakkersuisut aalajangersaasinnaapput.

Kapitali 11

Nakkutilliineq, nakkutilliinermi angusat tamanut saqqummiunneqarneri aamma siumoortumik akuersineq il.il.

§ 23. Inuussutissat aalajangersimasut immikkut nakkutigineqarnissaat pillugu Naalakkersuisut malittarisassanik aalajangersaasinnaapput.

Imm. 2. Inuussutissaleriffinnik, uninngatillugit toqqorsivinnik, assartuinerimik, nittarsaassinerimik, nioqquteqarnermi eqqussuinerimilu eqqiluisaarnermi pissutsinik Uumasunut Nakorsaqaarfik Inuussutissalerinermullu Oqartussaasut saniatigut nakkutilliisussanik allanik misissuisussanillu Naalakkersuisut piginnaatitsisinnaapput.

Imm. 3. Uumasunik toqoraavinni, nunatsinnut tunisassioortunut neqinik nakkutilliisarnermut Naalakkersuisut malittarisassaliorsinnaapput

§ 24. Aalajangiinernik, tassunga ilanngullugit nalunaaruteqarneq, erseqqissaanerit, peqqusutit inerteqqutillu, inuussutissalerineq pillugu inatsimmi aalajangersarneqartut piumasaqaatit eqqortinneqarneri qulakkeerniarlugit pisariaqartutut isigineqartunik Kalaallit Nunaanni Uumasunut Nakorsaqaarfik Inuussutissalerinermullu Oqartussaaffik aalajangiisassaaq.

Imm. 2. Imm. 2. Imm. 1-imi peqqusutit inerteqqutillu naapertorlugit suliffeqarfiup akiligaa-nik naammassineqassasut Kalaallit Nunaanni Uumasunut Nakorsaqaarfik Inuussutissalerinermullu Oqartussaaffik aalajangiisinnaavoq.

Imm. 3. Imm. 1 naapertorlugu peqqussuteqarneq inerteqquteqarnerluunniit nalunaarutigine-qarsimasooq malinneqarsimangippat, Kalaallit Nunaanni Uumasunut Nakorsaqaarfik Inuussutissalerinermullu Oqartussaaffiup suliffeqarfiit ingerlaannarnissaat inerteqqutigisinnaa-vaat imaluunniit inatsimmi kapitali 9-mut ilaasut akuersissutaannik arsaarlugit. Aalajangiinermiit allamik allassimasooqangippat arsaarinnineq piffissami suliffeqarfimmut nalunaarutigineraniit atuutilissaaq.

§ 25. Uumasunut Nakorsaqaarfik Inuussutissalerinermullu Oqartussaaffiup suliffeqarfimmik inuussutissalerisumik piginnittoq, aqutsisoq imaluunniit ingerlatsisoq suliffeqarfimmi eqqiluisaarnissaaq pillugu piffissap aalajangersimasup iluani peqqussutigineqartumut naleq-quttumik piffissaliillutik pitsanngorsaasoqarnissaanik peqqusisinnaapput. Taamatut peqqus-suteqarneq allakkatigut nalunaarutigineqartassaaq.

Imm. 2. Peqqussutigineqartoq piffissaliussaasoq malillugu naammassineqangippat, Uuma-sunut Nakorsaqaarfik Inuussutissalerinermullu Oqartussaaffiup pissutsit iluarsineqarnissaasa tungaannut suliffeqarfik matusinnaavaat, nerisassat tunillannartullit innuttaasunut nioqqutigineqanginnissaat qularnaarniarlugu.

§ 26. Inuussutissat nalinginnaasumik atorneqarnermikkut nappaatinik tunillaasinnaasutut imaluunniit napparsimalersitsisinnaasutut isigineqarpata Uumasunut Nakorsaqaarfik Inuussutissalerinermullu Oqartussaaffiup nioqquteqarnissamut nittarsaassinissamullu inerteqquteqarnissaminnut pisussaaffeqarput.

Imm. 2. Aammattaaq inuussutissat peqqiilliornartumik allanngorneri, mingutsinneqarneri, asiuneri, kukkusumik nerisassiarineqarsimaneri allatigulluunniit inuit nerisassaattut naleqqu-tinngitsutut isigineqarsinnaappata, Uumasunut Nakorsaqaarfik Inuussutissalerinermullu Oqartussaaffik inerteqquteqartussaavoq.

§ 27. Uumasunut Nakorsaqaarfik Inuussutissalerinermullu Oqartussaaffik suliffeqarfinnik inuussutissalerisunik ilisimasalittut siunnersortimit ikiorsiivigineqarnissaaq imaluunniit suliffeqarfinni inuussutissalerisuni aqutsisut sulisulluunniit pikkorisarnermut peqataassasut imaluunniit aalajangersimasumik ilinniagaqarsimanissaat pillugu peqqussuteqarsinnaavoq.

Eqqiluisaernerup, nammineq nakkutilliinerup, kiisalu inuussutissanik passussisarnerup tungaatigut siunnersuisoqarnissaa piumasarineqarsinnaavoq.

Imm. 2. Imm. 1 malillugu siunnersuineq, pikkorissarnermut peqataaneq ilinniagaqarnerlu pillugit malittarisassanik ersarinnerusunik Naalakkersuisut aalajangersaasinnaapput.

§ 28. Uumasunut Nakorsaqaarfik Inuussutissalerinermullu Oqartussaasut uppersaammik atorsinnaasumik eqqartuussisumiillu aalajangiinertaqanngitsumik, inatsimmi matumani imaluunniit inatsit una malillugu malittarisassani aalajangersarneqarsimasunik suliassanik naammassinninnermi atorneqartussanik paasissutissanik pissarsiniarlutik pisortat illuutaannut namminerisamillu illuutinut, sumiiffinnut, assartuutinut, niuertarfiup allagaataanut, pappiaqqanut il.il., tassunga ilanngullugit aamma atortussianut elektronikki atorlugu toqqorneqarsimasunut sukkulluunniit isersinnaapput.

§ 29. Suliffeqaarfik inuussutissalerisoq Uumasunut Nakorsaqaarfik Inuussutissalerinermullu Oqartussaaffimmit piumaffigineqarnermigut, nakkutilliinerup naammassineqarnissaanut pingaaruteqartunik, paasissutissanik tamanik tunniussissaaq kiisalu nakkutilliinermi, misissugassanik tigusinermi, assiliinermi aamma atortunik allaganngorlugit tunniussinermi aamma elektronikkkut nalunaarsukkat naqitanngortinneqarnerini nakkutilliinermi oqartussanik akeqanngitsumik pisariaqartinneqarpat ikiuutissalluni, tassunga ilanngullugit aningaasaqarnikkut naatsorsuuserinikkullu pissutsit.

Imm. 2. Suliffeqaarfiup inuussutissalerisup uppersaasersinnaassavaa, paasissutissat oqaatigi-sallu suliffeqaarfiup Uumasunut Nakorsaqaarfik Inuussutissalerinermullu Oqartussaaffimmut saqqummiussai eqqortuusut.

Imm. 3. Uumasunut Nakorsaqaarnermut Inuussutissalerinermullu Oqartussaasut nakkutilliinermut nakkutiginninnermullu atasumik suliffeqaarfik inuussutissalerisoq piumaffigisinnavaat uppersaasiinikkut inuussutissanit misissugassanik tigureqqullugu imaluunniit akeqanngitsumik tigusissasoq, tassunga ilanngullugit tunisassiassat, ilaannakortumik nioqqutissiat kiisalu naammassillugit nioqqutissiat, sermeq, imeq, aalaq, silaannaq, silaannaat, atortussiasat aamma atortut, akiuiniarnermi sakkut, eqqiaanermi tunillannartuiaanermilu atortut il.il.

Imm. 4. Suliffeqaarfik inuussutissalerisoq Uumasunut Nakorsaqaarnermut Inuussutissalerinermullu Oqartussaasunut misissugassanik nassiussinerni ikiuuttassaaq tamatumuunalu aningaasartuutigineqartut akilerlugit.

Imm. 5. Aqutsisoq isumaqaruni imaluunniit pasitsaassaqaruni, inuussutissaq suliffeqaarfiup eqqussimasaa, tunisassiarisimasaa, sularisimasaa, piareersarsimasaa siammartersimasaluunniit inuussutissanik isumannaatsuutitsinissamut piumasaqaatinik inatsit tunngavigalugu inatsimmi matumani malittarisassanilu aalajangersarneqarsimasunik naammassinnissimanngitsoq, suliffeqaarfiup aqutsisua Uumasunut Nakorsaqaarfik Inuussutissalerinermullu Oqartussaaffimmut nalunaarutiginnittussaataavoq.

§ 30. Naalakkersuisut nakkutilliinissaq siunertaralugu oqartussaasunut allanut paasissutissanik piniarsinnaapput, inuussutissalerinermi inatsisip malinneqarnissaata qulakkeernissaanut pisariaqartunik.

Imm. 2. Imm. 1 naapertorlugu paasissutissanik piniarneq, aammattaaq akileraartarnermut pissutsit pillugit paasissutissanut tunngavoq.

Imm. 3. Paasissutissat imm. 1 naapertorlugu piniarneqartut tunngavigalugit Naalakkersuisut nalunaarsuinerit paasissutissiissutigineqartullu malillugit nakkutilliartorsinnaapput.

§ 31. Nakkutilliinerit nakkutilliinermilu nalunaarusiornerit akulikissusissaat annertussusissallu pillugit malittarisassanik Naalakkersuisut aalajangersaasinnaapput.

§ 32. Uumasunut Nakorsaqaarfik Inuussutissalerinermullu Oqartussaasut inuussutissat pillugit inatsit naapertorlugu, suliffeqarfiup inuussutissalerisup aqqa taallugu nakkutilliinerup inernerinik kiisalu nakkutilliinerup suunera aamma pineqaatissiinerit annertussusaannik tamanut saqqummiussisinaanerat pillugu malittarisassanik Naalakkersuisut aalajangersaasinnaapput. Tamatuma saniatigut nakkutilliinerup inernerinik pineqaatissiinernillu qanoq iliorluni, qanoq isikkulerlugu qanorlu annertutigisumik tamanut saqqummiunneqartarnissaat pillugu malittarisassanik Naalakkersuisut aalajangersaasinnaapput, tassunga ilanngullugu tamanut saqqummiussinerup elektronikkikkut ingerlanneqarsinnaanera pillugu malittarisassat.

Imm. 2. Suliffeqarfiup inuussutissalerisup aqutsisuata inuussutissat pillugit inatsit naapertorlugu nakkutilliinerup ingerlanneqartup inernerinik tamanut saqqummiussinissaminut nammineerluni pisussaaffeqarnera pillugu malittarisassanik Naalakkersuisut aalajangersaasinnaapput. Tassunga ilanngullugu nakkutilliinerup inernerinik qanoq iliorluni, qanoq isikkulerlugu qanorlu annertutigisumik tamanut saqqummiussisoqarnissaa pillugu aamma atugassarititaasut suut tunngavigalugit tamanut saqqummiussinerup pinngitsoortinneqarsinnaanera pillugu malittarisassanik Naalakkersuisut aalajangersaasinnaapput.

Kapitali 12

Naammagittaalliuuteqartarnej

§ 33. Uumasunut Nakorsaqaarfik Inuussutissalerinermullu Oqartussaasunit aalajangiiffigineqartut Aalisarnermut, Piniarnermut Nunalerinermullu Naalakkersuisoqarfimmut maalaarutigineqarsinnaapput.

Imm. 2. Maalaaruteqarsinnaatitaapput:

- 1) aalajangiinermi pineqartoq, aamma
- 2) kinaluunniit suliassap inernerata qanoq kinguneqarneranik nammineerluni annertuumilluunniit soqutigisaqartoq.

Imm. 3. Maalaaruteqarnissamut piffissaliussaq tassaavoq ulloq aalajangiinerup nalunaarutigineqarfianiit sapaatit akunneri 6-t qaangiutsinnagit.

Imm. 4. Maalaaruteqarnek Aalisarnermut, Piniarnermut Nunalerinermullu Naalakkersuisoqarfik allamik aalajangiisimatinnagit kinguartitsinermik kinguneqassanngilaq.

Kapitali 13

Pineqaatissiissutit

§ 34. Inatsisit allat malillugit sakkortunerusumik pineqaatissiisoqarsimangippat akiliisitsiluni eqqartuussisoqarsinnaavoq:

- 1) § 4-mik, § 5, § 10-mi, imm. 1-imik, § 13-imi, imm. 2-mik, § 17-imi, imm. 1-imik aamma 4-mik, § 29-mi, imm. 2-mik aamma 5-imik unioqquatinneqartillugit,
- 2) § 6, imm. 2 aamma 3 naapertorlugit atugassarititaasunik, inerteqquatinik killilersuinernillu unioqquטיםisoqartillugu
- 3) § 11-imut assortuuttumik eqqussuisoqartillugu, nittarsaassisoqartillugu atuisoqartillugulu,
- 4) § 24, imm. 1 aamma 3, § 25, § 26, § 27 malillugit peqqussutit malinneqanngippata peqqussutilluunniit unioqquatinneqartillugit,
- 5) Uumasunut Nakorsaqaarnermut Inuusutissalerinermullu Oqartussaasut § 28, imm. 1 naapertorlugu isersinnaatitaanngippata,
- 6) § 29, imm. 1 aamma 4 malillugit paasissutissanik tunniussinngitsoq imaluunniit Uumasunut Nakorsaqaarnermut Inuusutissalerinermullu Oqartussaasunut ikiuutinngitsoq, imaluunniit § 29, imm. 3 malillugu misissugassanik tigusinngitsoq.

Imm. 2. Inatsisartut inatsisaat manna malillugu najoqqutassiani atulersinneqartuni najoqqutassani aalajangersakkanik unioqquטיםinermi akiliisitsinermik arsaarinnissuteqaarnermilluunniit pineqaatissiinissaq pillugu malittarisassanik aalajangersaasoqarsinnaavoq.

Imm. 3. Inatsisartut inatsisaat imaluunniit peqqussutit Inatsisartut inatsisaat malillugu aalajangersarneqartut akileeqqusissummik aalajangersaanissamik tunngavissaqartitsippata, akileeqqusissut Kalaallit Nunaanni Pinerluttulerinermut inatsimmi malittarisassat malillugit inatsisitigut pisussaataitaasoq akileeqqusissummik pisussaaffilerneqarsinnaavoq.

Imm. 4. Imm. 1-3 naapertorlugit akiliisitsinerup arsaarinninnerulluunniit saniatigut arlaleriarluni sakkortuumik peqqissutsikkut ajoqusiinnaasumik unioqquטיםisoqartillugu, Kalaallit Nunaanni suliffeqarfimmik pisortanit akuerineqarsimasussamik ingerlatsisinnaatitaaneq piffissap aalajangersimasup imaluunniit killilerneqanngikkallartup iluani arsaarinnissutigineqarsinnaavoq, Kalaallit Nunaanni pinerluttulerinermut inatsimmi pisinnaatitaaffimmik atorunnaartitsisinnaaneq pillugu malittarisassat malillugit.

§ 35. Naalakkersuisut isumaqarpata, unioqquטיםineq akiligassiinermik qaffasinnerusumik kinguneqartussaannngitsoq, Naalakkersuisut oqariartuuteqarsinnaapput, unioqquטיםisimasoq unioqquטיםisimalluni nassueruteqarpat nalunaarutigalugulu piffissap aalajangersimasup qinnuteqartoqarneratigut sivitsorneqarsinnaasup iluani akiligassap akilernissaanut piareersimallu-

ni, aamma Pinerluttulerinermut inatsimmi § 37 naapertorlugu arsaarinnissuteqartoqarsinnaaneranut akuersaarsimappat, suliaq eqqartuussivitsigut malersuinertaqanngitsumik aalajangiivigineqarsinnaasoq.

Imm. 2. Imm. 1-imi nalunaarut taaneqartoq eqqarsaatigalugu Kalaallit Nunaanni eqqartuusseriaatsimi inatsimmi allakkamut unnerluussummut piumasaqaatit pillugit aamma oqaaseqarnissamut pisussaaffeqannginneq pillugu aalajangersakkat taamatuttaaq atuupput.

Imm. 3. Akiliisitsissut piffissaagallartillugu akilerneqarpat, imaluunniit akuerineqarnerata kingorna akilerneqarpat imaluunniit pillaatissaq atorineqarpat malersueqqinnissaq atorunnaasaaq.

§ 36. Akiligassiissutit, Inatsisartut inatsisaat manna malillugu imaluunniit Inatsisartut inatsisaat manna malillugu najoqqutassat malillugit eqqartuussutigineqartut Nunatta Karsianut tutsinneqassapput.

Kapitali 14

Atortuulersitsineq

§ 37. Inatsisartut inatsisaat 1. januar 2016-imi atuutilissaaq.

Imm. 2. Tamatumunnga peqatigitillugu inuussutissanik uumasullu nappaataannik inunnt tunillaassorsinnaasunik nakkutilliineq pillugu Inatsisartut peqqussutaat nr. 17, 28. oktober 1993-imeersoq atorunnaarsinneqarpoq.

Imm. 3. Najoqqutassat Inatsisartut peqqussutaanni imm. 2 naapertorlugu atuuttussanngortineqartut inatsit manna inatsisilluunniit allat malillugit najoqqutassatigut taarserneqarnissaasa imaluunniit atorunnaarsinneqarnissaasa tungaannut atuutissapput.

Imm. 4. Suliffeqarfiit, manna tikillugu malittarisassat malillugit akuerineqarsimasut 1. januar 2017 tikillugu akuerineqartutut isigineqassapput.

Namminersorlutik Oqartussat, ulloq xx. xx 201x

Kim Kielsen